

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10 i 3/23), a u vezi sa članom 5. Programa utroška sredstava u razdjelu 22 – Ministarstvo za obrazovanje, nauku, kulturu i sport, pozicija „Kapitalni transferi u inostranstvu“ – izvor 10 Budžeta Zeničko-dobojskog kantona za 2026. godinu, broj: 02-11-2809/26 od 13.02.2026. godine, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 130. sjednici, održanoj 22.05.2026. godine, d o n o s i

O D L U K U

o odobravanju sredstava Caritasu Švicarske (CaCh) u svrhu sufinansiranja projekata energetske efikasnosti i korištenja obnovljivih izvora energije „JUST4All“ u školskim objektima na području Zeničko-dobojskog kantona u 2026. godini

Član 1.

(Predmet)

Odobravaju se sredstva Caritasu Švicarske (CaCh) u ukupnom iznosu od 150.000,00 KM (slovima: stotinupedesethiljada konvertibilnih maraka) u svrhu sufinansiranja projekata energetske efikasnosti i korištenja obnovljivih izvora energije „JUST4All“ u školskim objektima na području Zeničko-dobojskog kantona u 2026. godini i to: implementacija mjera energijske efikasnosti na odabranim javnim objektima, energijski audit i certificiranje u odabranim objektima i aktivnosti vezane za promociju i edukacije o EE i OIE, a u skladu sa potpisanim Aneksom 1 Memoranduma o saradnji između Ministarstva za obrazovanje, nauku, kulturu i sport Zeničko-dobojskog kantona i Caritasu Švicarske, broj: 10-11-81-3/26 od 10.03.2026. godine.

Član 2.

(Isplata sredstava)

Odobrena sredstva će se isplatiti iz Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26), sa razdjela 22 – Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 615700, pozicija „Kapitalni transferi u inostranstvu“, izvor 10.

Član 3.

(Realizacija Odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 4.

(Izvještavanje)

Korisnik sredstava je dužan Ministarstvu za obrazovanje, nauku, kulturu i sport dostaviti izvještaj o namjenskom utrošku sredstava u roku od 15 dana od dana utroška istih, najmanje jednom polugodišnje, a najkasnije u roku od godinu dana od dana doznačavanja sredstava.

Član 5.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-10484/26

Datum, 22.05.2026. godine

Zenica

PREMIJER

po ovlaštenju

Dženana Čišija

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x Caritas Švicarske, putem Ministarstva,

1x „Službene novine Zeničko-dobojskog kantona“,

1x a/a.